

БҮГІНГІ КҮННІҢ АБАЙЫ

М. Әуезов атындағы Оңтүстік Қазақстан университеті, филология факультетіне қарасты «Гуманитарлық мамандықтар үшін шет тілі» кафедрасының оқытушысы, магистр Төлеген Балауса Әбдірасұлқызы ЕП-20-3кз тобымен Абай Құнанбайұлының 175 жылдық мерейтойына арналған «Бүгінгі күннің Абайы» атты ашық тәрбие сағатын өткізді.

Тәрбие сағатының басты мақсаты - жастарды тәрбиелікке, сүйіспеншілікке, ерте жастан еңбекке баулуға шақыруға негізделген. Осы орайда, Алдаберген Аяжан мен Сайдмамедова Гүлхаёның баяндамасы жастарға ой саларлықтай болды. Қазіргі жастардың жаман әдеттерді тез бойға жинауы, еңбекке икемсіз келетіндігі, білімге емес, бос ойындарға ақша кетіруін ашына жазды. Сонымен қатар Абайдың қара сөздері де ұмыт қалмады. Абуталип Баян мен Талғатқызы Әсемнің оқыған керемет қара сөздері жүректен жүрекке жетті. Осы күнге дейін Абайдың өлеңдері ұмыт қалмау себебі де осы болар. Жастар Абай атамыздың өлеңін, қара сөздерін, әндерін жатқа білсе нұр үсті-

не нұр болар еді. Бір туар ақын Абайды ұмыту жастарға үлкен сын. Сол себептен де ЕП-20-3кз тобының студенттері Абай ақынды жан-жақты зерттеді, әндерін де естен шығармады. Студент қыздарымыз ерекше үнмен, қоңыр дауыспен «Көзімнің қарасы» әнін жоғары деңгейде шырқады. Бұл күн студенттер үшін есте қаларлықтай болғаны сөзсіз. Абайды білмейтін қазақ кемде кем шығар. Біздің болашағымыздың мықты болуын барынша ойлап, көзі ашық, көкірегі ояу азамат, азаматша болуымызға зор үлес қосқан жанашырымызды мәңгі жүрегімізде сақтайық!

Тәрбие сағатының ерекшелігі - Қазақстан телеарнасынан көрсетілген «Абай» телехикаясында Абай рөлін

сомдаған Қазақстанның еңбек сіңірген қайраткері Болат Әбділманов және еліміздің жас актері Әли Тұрсынхан тәрбие сағатының құрметті қонақтары болып шақырылып, студенттер Zoom платформасында пікір алмасып, сұхбаттасу мүмкіндігіне ие болды. Студенттердің бұл тәрбие сағатынан керемет әсер алған сәттерінің бірі - сұхбаттасу болса, кейбір студент жастарының көкейде жүрген сұрақтарына жауап алу болды. Актерлеріміз Абай рөлін сомдаудағы қызығы мен қиыншылығы жайлы әңгімелермен бөлісіп, студенттер тарапынан қойылған сұрақтарға ағынан жарылып жауап берді. Студент жастарға өз ақыл кеңестерін айтып, сәттілік тіледі. Кеш соңында ұйымдастырушы қонақтарға алтын уақыттарын бөліп, іс-шараға қатысқандары үшін алғыс білдірді.

**Б.ТӨЛЕГЕН,
А.СҮЮБЕРДИЕВ,
З.ЕМКУЛОВ,
В.Ю.МОРОЗОВА,
М. Әуезов атындағы
ОҚУ филология
факультеті,
«Гуманитарлық
мамандықтар үшін шет
тілі» кафедрасының
оқытушылары**